



Saopštenje za javnost

Poštovani, prvog dana generalnog štrajka vidjeli smo pravo stanje čovječnosti, ljudskosti društva u kome živimo. Najveći dio pacijenata razumije naš pokušaj da na pravi način prikažemo stanje u zdravstvu Kantona Sarajevo.

No kao i svugdje imate ljudi koji hoće, zahtjevaju, a došli su radi banalnih stvari, da ga pregledate i da vam pri tome pravi problem iz njemu znanih razloga. Odgovorno tvrdimo da svi oni kojima je bila potrebna zdravstvena usluga, su je i dobili i tako će ostati u narednim danima generalnog štrajka.

Želja nam je informisati Vas o ponašanju vlasti i Sindikata doktora medicine i stomatologije u ona tri sata pregovaranja a koja nisu bila dostupna javnosti. Sindikat doktora medicine i stomatologije je pokazao socijalnu neosjetljivost i sebičnost time što su sebi prigrabili samo njima dizanje koeficijenta diskriminirajući druge. Mi iz Sindikata radnika zaposlenih u zdravstvu Kantona Sarajevo ponudili smo kompromisno rješenje da satnica ide na 2,65 sa tražene 2,75 KM, a koja je bila osnov pregovora još 2014. godine. Usklađivanje koeficijenata i platnih razreda ponudili smo odmah po potpisivanju Granskog kolektivnog ugovora za Kanton Sarajevo. Naglašavamo da Sindikat radnika u zdravstvu u Kantonu Sarajevo zastupa interese svih radnika u djelatnosti zdravstva, od spremačice do specijaliste, tj. bori se za poboljšanje ekonomsko – socijalnog položaja svih radnika bez obzira na stručnu spremu i poslove koje obavljaju.

Ne, to Sindikat doktora nije prihvatio, jer je pohlepa nadvladala razum i samo se gurao svoj koeficijent bez obzira kolika bude od vlasti ponuđena satnica.

Vlada je pokazala da je socijalni dijalog pretjerano ne interesuje, lažnu demokratičnost i pokušaj da riješi nagomilane probleme iz prošlosti. Jer kako drugačije protumačiti njihovo iskazivanje nemoći i nesposobnosti da se suprotstave federalnom nivou koji im svake godine otme preko 200 miliona Kantonalnog zdravstvenog novca, da se suprotstave federalnom nivou (Velikom bratu kako ga oni zovu). Poražavajuće. Premijer lažnu ležernost pokazuje time što nudi 15 miliona maraka, forsira tobožnju brigu za doktore, a ostali neka štrajkuju što se njega tiče koliko hoće.

Stoga, kako bi svi shvatili ozbiljnost sadašnjosti pozivamo radnice – spremačice da prostor u kome rade i borave doktori – članovi Sindikata doktora medicine i stomatologije koji ne učestvuju u ovom štrajku, za vrijeme štrajka ne održavaju, srednje, više i visoke sestre i tehničare svojim obimom posla ih ne logisticiraju, ekonomska služba ne obračunava im plaću, tehnička služba ih ne podržava, pravna obustavi radnje iz svog domena pa da vide doktori neučesnici štrajka da nisu i ne mogu biti samoživi stvorovi na ovom svijetu.

Broj: 559/17
Sarajevo, 16.10.2017. godine

Glavni odbor
Sindikata radnika u zdravstvu u Kantonu Sarajevo

